

## 诗三首

丘成桐 ◇ 二零一四年五月

### 破阵子

眼底依然兰国，  
心中已系黄河。  
金盏随风骄阳下，  
绿杨拂水画船过，  
圆明赏黑鹅。

水木清华未老，  
筹思砥砺精磨。  
降帐故园东展翅，  
壮怀慷慨友情多，  
今日意如何？

**注：**去年夏天，到荷兰贺路安加<sup>1)</sup>教授荣休，并至清华任教，路教授乃一代宗师，余以为路教授此次来华，将有大造于祖国也，遂作此词贺之。

---

<sup>1)</sup>路安加是清华数学中心的 Eduard J. N. Looijenga 教授的中文名。

## 八声甘州

对乾陵无语悼则天，业功盖千秋。  
看两山迢递，碑文剥落，思绪悠悠。  
可恨三郎老去，胡掠九州愁。  
留得斜阳暮，断瓦残楼。

怅念汉唐渺远，问中兴何日，共庆金瓯。  
想英雄无觅，何事苦勾留。  
展书篇，空房凝望，叹甚时霜染少年头。  
却回首，名山料理，沧海归鸥。

**注：**去年秋，与绍远、萧子和辛子共访老友江泽林于古都西安，路上与诸子讨论西汉武帝之文章诗作，余极力推崇，诸子以为夸大其辞，余感于汉唐伟业，今人竟已遗忘！憾何如之。

忆昔凭吊唐高宗与武则天之乾陵。感其雄伟，叹历代史家未予则天伟业之公正评价，遂作此词。

### 卜算子

岁岁觅梧桐，  
梦觉心难静。  
问学研筹乐此生，  
留取雪泥影。

尘俗尚何求，  
大道谁能省？  
行遍天涯觅芷兰，  
莫负春衫冷。

**注：**今岁回京途中，读东坡词，又忆丘迟书：见故国之旗鼓，感平生于畴日。有感于怀，遂填此词。